

Ol litani bilong Santu Josep

Santu Josep *Bekim: Prea bilong helpim mipela*
Santu Josep, wasman bilong Holi Famili
Santu Josep, man bilong Maria
Santu Josep, yu bin lukautim Mama bilong God
Santu Josep, papa bilong Jisas
Santu Josep, yu papa bilong King bilong heven na graun
Santu Josep, yu bin lukautim bebi Jisas
Santu Josep, yu bin givim kaikai long pikinini Jisas
Santu Josep, yu bin was long pikinini Jisas
Santu Josep, yu bin givim haus long Jisas
Santu Josep, Pikinini Jisas i bin harim tok bilong yu
Santu Josep, yu go pas long ol tumbuna bilong Israel
Santu Josep, yu save helpim mipela long ol hevi na wari
Santu Josep, yu papa bilong ol tarangu
Santu Josep, yu pulap long grasias
Santu Josep, yu go pas long ol santu
Santu Josep, yu man bilong harim tok bilong God
Santu Josep, yu stretpela man tru
Santu Josep, yu virgo oltaim
Santu Josep, yu klin olgeta
Santu Josep, yu man bilong daunpasin
Santu Josep, yu man bilong prea
Santu Josep, was santu bilong ol manmeri klostu i laik i dai
Santu Josep, was santu bilong Katolik Sios
Santu Josep, was santu bilong ol wokman
Santu Josep, was santu bilong ol papa
Santu Josep, was santu bilong mipela

Yumi pre:
O God, long stretpela save na tingting bilong yu, yu bin makim
Santu Josep bilong kamap trupela man bilong Mama bilong yu,
Maria. Olsem na mipela i askim yu, bai Santu Josep i ken prea
oltaim bilong helpim mipela, long wanem mipela i save onarim
em olsem wasman bilong mipela hia long graun. Mipela i askim
dispela samting long em bilong Krai, em i Bikpela bilong
mipela. Amen.



Skul na prea bilong Pop Fransis

Long ol skul bilong ol Papa Santu bilong bipo tru i kam inap nau,
Maria, Mama bilong God i go pas, na Santu Josep i kam bihain long
em. Santu Josep em i bikpela santu tru, long wanem em i trupela man
bilong Maria na trupela waspapa bilong Jisas. Na ol santu i no save
helpim mipela long taim ol i wokim ol bikpela mirakel o givim ol
bikpela grasias tasol. Nogat. Ol i save helpim mipela oltaim na ol i no
save malolo! Ol i bihainim pasin bilong Abraham na Moses, na ol i
sanap long ai bilong God bilong pre bilong helpim mipela oltaim. Ol
santu i save bihainim pasin bilong Jisas tu, em i “namelman i sanap
namel long God na ol manmeri” (1 Tim 2:5). Jisas em i “Helpim
bilong yumi, em i stap wantaim Papa” (1 Jo 2:1). Jisas “i stap laip
oltaim, na em i save beten long God long helpim ol” (Hib 7:25).
Olsem na mipela i mas askim Santu Josep long helpim mipela long
kisim nambawan grasias bilong laip bilong mipela: grasias bilong tanim
bel na bilong bihainim laik bilong God oltaim.

Olsem na nau yumi pre long em:

Ave, gutpela wasman bilong Ridima bilong mipela,
Trupela man bilong Santu Virgo Maria.

God Papa i trastim yu, na em givim pikinini bilong em long yu;
Maria tu i trastim yu oltaim;

na aninit long yu pikinini Jisas i gro na i kamap bikpela man.

O Santu Josep,

was long mipela tu olsem trupela papa bilong mipela
na helpim mipela long bihainim laik bilong Jisas oltaim.

Givim grasias, marimari na strong long mipela,
na sambai long mipela oltaim. Amen.

2021

Yia bilong
Santu Josep



Mun bilong Buk Baibel 2021
Liturgical Catechetical Institute



Santu Josep

*long Tingting na Skul
bilang ol Santu*

Santu Alfons Liguori: “Olgeta manmeri i mas save olsem, bihain long Santu Maria, God i laikim Santu Josep moa long ol arapela santu long heven. Pawa bilang Santu Josep em i bikipela tru long ai bilang God, na em i ken helpim ol manmeri i singaut long em.”

Santu Bernard: “Namel long ol man bilang graun, God i makim Santu Josep bilang kamap wasman bilang Santu Virgo Maria, em i mama bilang God. Na God i makim em bilang kamap wasman na waspapa bilang Jisas, em i God tru. Olsem na taim Santu Josep i helpim Jisas, em i helpim tu wok ridima bilang Jisas bilang kisim bek yumi.”

Santu Teresia: “Sapos yu baten long ol santu bilang helpim yu, orait yu mas beten moa yet long Santu Josep, long wanem em i gat bikipela pawa long ai bilang God.”

Santu Teresia: “Ol manmeri i save beten i mas beten oltaim long Santu Josep. Em wanpela tasol i bin helpim Santu Maria, em i Kwin bilang ol ensel, long taim em i painim hevi wantaim bebi Jisas. Olsem ba oltaim yumi mas beten na tok tenkyu long Santu Josep.”

Santu Jon Pol II: “Santu Josep em i stretpela man, em i man bilang wok hat, na em i gutpela wasman bilang Holi Famili. Em i ken sambai, was na givim gutpela tingting long ol famili bilang yumi tu.”

Santu Tomas Akwainas: “Wan wan santu i gat pawa bilang em yet bilang helpim yumi long wan wan hevi bilang yumi. Tasol Santu Josep i gat pawa bilang helpim yumi long olgeta hevi na wari i ken bungim yumi.”

Santu Alfons Liguori: “Yumi mas onarim Santu Josep, long wanem Pikinini bilang God i bin onarim em na kolim em ‘papa’. Jisas yet em i King bilang olgeta king, na em i litimapim nem bilang Santu Josep na i aninit long em. Olsem na yumi tu mas onarim Santu Josep wantaim olgeta strong bilang yumi.”

Santu Bernardin bilang Siena: “God Papa i makim Santu Josep olsem wasman bilang tupela samting God Papa yet i save laikim tumas: Pikinini bilang em, na Maria. Na Santu Josep inapim gut dispela misen bilang em inap long taim God i singautim em na i tokim em: ‘Yu gutpela wokboi, yu bin mekim gutpela wok tru’.”

Santu Gregori: “Glori bilang Santu Josep i lait olsem san, na glori bilang em long heven i winim tru glori bilang ol arapela santu.”

Pop Lio namba 13: “Santu Josep em i trupela man bilang Maria na trupela waspapa bilang Jisas. Dispela tupela wok bilang em i mekim em i winim ol santu bilang heven, na i mekim em i stap antap tru long heven klostu long Maria na Jisas.”

Prea long Santu Josep

(Pop Lio namba 13 i wokim)

Long yu, O Santu Josep, mipela i kam long ol wari bilang mipela. Mipela i bin singaut long meri bilang yu pinis, olsem na nau mipela i laik singaut long yu tu, bai yu ken helpim mipela.

Yu bin laikim Virgo Maria wantaim olgeta strong bilang yu, na yu bin lukautim pikinini Jisas wantaim bikipela laik, olsem na mipela i trastim yu, na mipela i askim yu long helpim yu long kisim ol gutpela samting Jisas i bin promisim mipela, em ol samting em yet i bin baim long blut bilang em. Na mipela i askim yu tu long harim ol singaut bilang mipela, na long helpim mipela long ol wari na hevi.

O gutpela wasman bilang Holi Famili, was tu long ol pikinini bilang God Jisas yet i bin makim bilang em yet. O gutpela papa, helpim mipela long stap longwe long ol samting nogut i laik paulim bilip bilang mipela! O gutpela was santu bilang mipela, strongim mipela bai mipela i ken sanap strong na sakim ol tok bilang Satan i laik mekim mipela i lus olgeta!

Taim Jisas em i liklik pikinini, yu bin was long em long taim ol i laik kilim em i dai. Olsem tasol nau yu mas was long Holi Sios, long wanem ol birua nogut i laik daunim em na bagarapim em. Banisim mipela tu, bai mipela i ken i stap long ples hait bilang yu. Na strongim mipela, bai mipela i ken bihainim ol gutpela pasin na eksampel bilang yu, olsem na laip bilang mipela i ken i stap holi. Na helpim mipela long i dai wantaim grasia bilang God, bai mipela tu i ken i go i stap long heven inap oltaim oltaim. Amen.